

Այս պատմությունը տեղի է ունեցել Կանադայում:

Դիթերը ցանկանում էր լսել գերագույն համաժողովը: Նա փորձեց հանգիստ նստել: Ապա՝ փորձեց լսել ելույթները: Բայց աուտիզմը խանգարում էր նրան կենտրոնանալ: Նա պտտվեց բազմոցի վրա: Հետո խաղում էր իր խաղալիքներով: Նաև վազվզում էր:

Ապա՝ նա նայեց հայրիկին: Հայրիկը լուռ նստած լսում էր խոսակցությունները: Դիթերը ցանկանում էր նմանվել նրան: Ուստի, նա վերցրեց իր նկարչության պարագաները:

Միգուցե նկար ներկելը օգներ նրան հանգիստ նստել:

Մինչ Դիթերը գունավորում էր նկարը, լսում էր երեց Ջեֆրի Ռ. Հոլլանդի ելույթը: Երեց Հոլլանդը մի պատմություն պատմեց Հիսուսի մասին: Հիսուսը մի հարուստ երիտասարդի խնդրեց, որ իր ամբողջ գումարը տա աղքատներին\*:

Դիթերը ցանկանում էր օգնել մարդկանց, որոնք նույնպես բավարար գումար չունեին: Եվ նա մի գաղափար ուներ:

«Մայրի՛կ, ես ուզում եմ բու նկարել»,

Ինչպե՞ս կարող էին  
Դիթերի նկարներն օգնել  
ուրիշներին:



# Բուն և կետադեֆինը

- ասաց Դիթերը: «Կարո՞ղ ես մի բու նկարել ինձ համար»:

«Իհարկե», - ասաց մայրիկը: Նա մի բու նկարեց:

Դիթերն իր վրձինը թաթախեց ներկի մեջ: Սկզբում նա նկարեց բուի թևերը: Նա որոշ փետուրներ ներկեց դարչնագույն, իսկ մի քանիսը՝ նարնջագույն: Նկարելիս նա լսում էր մյուս ելույթները: Նույնիսկ, երբ բուր ելույթներն ավարտվեցին, Դիթերը շարունակեց ներկել: Նա ցանկանում էր, որ բուն կատարյալ լիներ:

Վերջապես Դիթերն ավարտեց: Նա բուի նկարը ցույց տվեց մայրիկին:

«Հրաշալի է», - ասաց մայրիկը: «Կախե՛նք»:

Դիթերը տարուբերեց գլուխը. «Ես ուզում եմ վաճառել այն և գումարը տալ այն մարդկանց, որոնք բավարար գումար չունեն: Ինչպես նրանք այդ մասին խոսեցին համաժողովին»:

Մայրիկը ժպտաց: «Տեսնենք, թե ինչ կարող ենք անել»:

Նա տեղադրեց Դիթերի նկարը՝ առցանց վաճառելու համար: Մայրիկը գրեց, որ Դիթերը այդ գումարը կտա անտուն մարդկանց ապաստարանին:

Հաջորդ օրը Դիթերն ու մայրիկը ստուգեցին գրառումը: Դիթերը չէր հավատում աչքերին: Բազմաթիվ մարդիկ ցանկանում էին գնել նրա նկարը: Նա ուրախ էր, որ այդքան շատ մարդիկ ցանկանում էին օգնել:

Դիթերի քաղաքի ռեստորանը ցանկանում էր գնել նկարը: Նրանք ասացին, որ կվճարեն 10 անգամ ավել գումար, քան խնդրել էին Դիթերն ու մայրիկը: Մյուս խանութները ևս նրանից նկարներ էին



խնդրել: Դիթերն ավելի շատ աշխատանք ուներ անելու:


Մայրիկն ավելի շատ կենդանիների նկարներ գտավ, և Դիթերը հանեց ներկերը: Նա նկարեց գայլ, առյուծ և կետադեֆին: Նրան ամենից շատ դուր եկավ կետադեֆինը: Նա այն անվանեց «Օտիս կետադեֆին»: Նրա տան մոտ գտնվող մթերային խանութը գնեց այն: Հաջորդ անգամ, երբ Դիթերը գնաց խանութ, տեսավ այն պատից կախված:

«Նայի՛ր, մայրիկ»:

Դիթերը մատնացույց արեց նկարը: «Հրաշալի է», - ասաց մայրիկը: «Այժմ, երբ մենք գանք այստեղ, կարող ենք հիշել, թե քո տաղանդներն ինչպես են օգնել մարդկանց»:

Դիթերը հպարտ էր, որ մարդկանց դուր են եկել իր նկարները: Բայց նա ավելի ուրախ էր, որ կարող էր օգնել ուրիշներին: Նա ուրախ էր, որ լսել էր գերագույն համաժողովի ելույթները: ●

\* Ջեֆրի Ռ. Հոլլանդ, «Մեծագույն հարստությունը», Լիահոնա, սոյնմբեր 2021, 8-10:



Դիթերը նկարներ էր նկարում վաճառելու համար, քանի որ ցանկանում էր օգնել մարդկանց: Իսկ դու ինչպես կարող ես օգնել ուրիշներին: